

元始无量度人上品經法卷之三

元洞玉歷

雙手玉文存神爲靈寶真人誦之

龍漢延康眇眇億劫

李少微註此章論劫運成敗也龜山元錄曰元洞上皇炁也天尊結元洞之炁爲玉歷之書其歷以龍漢劫爲初劫開圖曰赤明劫終曰延康劫循環无窮終而復始劫終之後三界空壤萬物精爽長在太空故曰延康爲劫壞之稱亦明是開圖之名二者交周是謂大劫其開皇上皇小劫名也混沌之中上无復色下无復淵風澤洞虛金剛乘天玄師曰此天尊說造道開天之本五劫生成之始也

道藏輯要

度人經法

夷

九集七

李少微註風澤第八壘炁也風澤之炁堅剛如金故曰金剛亦曰剛風劫盡之時能洞滿虛空承天不墜按九地內音素靈丹經地下深億萬里得潤澤地其炁黃又二十億萬里得色剛澤地其炁紫又二十億萬里得大風澤地其炁青又下无窮无極无邊无際洞淵綱維地其炁綠皆風梵綱維之故能擎持地輪懸而不落九壘各有四皇合三十六皇九壘三十六地上應三十六天若學者不知天上內音則天帝不領兆名不知地下內音則土皇不奏兆籍終閉而不得仙也地下三十六也

天上天下无幽无冥无形无影无極无窮溟滓大梵寥廓无光

赤明開圖運度自然

玉文坎挑

法曰此正經六十四字

流化章

元始安鎮

玉敷落五篇玉文

卽五文開廓也

第一篇

五篇符形載大法

明炁發育本精飛英仁惠之炁滋衍萬生天界地綱與時皆正凝耀神鄉結爲青書光映萬里號太清九眞安化上愛玉符

第二篇

道藏輯要

度人經法

七

九集七

太丹之炁衍光洞煥飄擲化火融鍊九陰赤字凝章其文甚異敷映九億精明煥天號交神生明玉化之符

第三篇

黃眞之炁結精飛英中央虛落之炁混沌黃元之精交流歷律化感生文光耀萬里光芒焜煜天端之間號眞皇混丹肅玄符

第四篇

素威禁炁流化粹端飄權耀神凝結成書光映萬里其文甚異列明凌芒威摧萬妖號八威禁龍制虎飛英太白玉化之符

第五篇

玄精發耀萬物滋形生端不竭天厯有紀玉皇上相高觀靈化接摘玄序開明天教冊封萬帝玄真感和天文敷炳典約青律天化大成凝結玉章光映九億號明綱玄兆太明九化之符

皇人曰五篇者乃元始自然飛英至精虛无混沌之炁凝結而成玉章鎮於大羅之上昔上皇元年星辰交錯惡曜加臨上犯三天曾命真炁真人齋持五篇付於五帝以鎮天元以制天政又命真如真人齋持五篇付於五帝以鎮地紀以御地祇又命妙行真人齋持五篇付於名山主者以候成道之

道藏輯要

度人經法

夷

元集七

士敷敷教法下度生死五篇之炁其功甚博上可以消於天災中可以鎮安國祚下可以度於兆民如召三界五帝建諸壇陛當以土王日青素朱書五篇以敷落五方則萬靈振伏以集羣仙召之卽至靡有不從

詳載大法茲舉其畧

赤書玉字八威龍文

玉文

保制劫運使天長存梵炁彌羅萬範開

張

玉文挑

玄師曰无始祖炁從何先生玉字按靈寶玉字經云自三炁之先溟滓之後其中真精挺生玄炁玄炁之內有神曰元始天王其炁混凝與元始同生流化結芳非色非相或舒或張至延康開劫一炁分形而爲二炁虛无自然而生始炁二炁

凝結太空彌覆无極字方一丈八角垂芒莫知其理二炁混沌而包藏玉字至龍漢開劫元始天王分隸二炁混沌開先炁清高澄成天炁降積滯成地二炁分合中有和炁名曰元炁亦曰大梵之炁至赤明劫元始開圖中有真陽之炁化爲洞陽之火元始運洞陽之火治鍊三炁混和玉字而成赤文因而劫號赤明文號赤書玉字是也自三炁成文火鍊爲赤書光明之炁陽光之精爲日靈光之精成月餘光布散分爲萬象三炁之神分爲三清之聖自後萬範皆出萬彙皆生莫非立元始三炁也至開皇劫分隸三炁化生諸聖至上皇劫五劫同啟五行全形化生諸天應五劫之內產生玄中之精

道藏輯要

度人經法

堯

元集七
卷之三

精中之神故曰上皇劫自五劫開化之後玉清洞真上清洞玄太清洞神三洞之經四輔符籙皆因赤書玉字而化稟靈寶之炁而成火鍊成文爲赤書玉字之後元始命天真皇人書於其文名八威龍文亦曰諸天八會之書祕於上清玄都金闕七寶瓊臺紫微上宮蘭房金室東西華堂九天太霞之府也

昇玄章

元綱流演三十二天

二十八宿訣東七宿自辰上起角亢左行卯上氏房心寅上尾箕挑北七宿自丑上起斗牛子上女虛危亥上室壁挑西